

Takwane - Ovulumusa Maleba Ootaleleya - Salvation Scriptures

AEfeso 2:2 Mudhidhi olene mweeddela mukalelo wabure wona wa elabo ya vati; mweeweleta muneba wootakala ole onalamula vadhulu va mineba dhaatedhene, oliye di mwene onawaang'anela ale ehinamwiwelela Mulugu.

Matewuzhi 6:10 Omwene weenyu odhe. Ofuna weenyu wiireyege vati vano wona muneereyeliwa odhulu.

Luka 22:42 Alobelagave, ahiiraga: <<Babani, mwafuna girabeliheni nakoma a goy ola, mbwenye ohiireye ofuna waaga, wiireye ofuna weenyu>>.

Zhuwawu 16:7-9 Mowindo ginowuwaaddelani ebaribari ela: Sapama wa nyo miyo gidhowe. Vowi gaahidhowa Namaakihedha kanaadhe wa nyo. Vano gadhowa ginowuurumihedhani. 8 Oliye adha oneere wawooniha athu dhoothega dheewa, awoonihe wogoowa, teto awoonihe ethodhi wa Mulugu: 9 Wa dhoothega mwaha wi kigiroromele;

2 Timoteyo a Nabiili 2:10 Mowindo ginovilelana dhaatedhene dhedhi mwaha wa athu oosakuliwa ni Mulugu wi aliwa teto yaakele ovulumusiwa oli mwa Yesu Kirixtu wi teto yaakele nthithimiho noohumala.

ARoma 15:20,21 Dhoofuna dhaaga soolaley Muselu Wapama mumburoni muhuneewiwe ewogaga dha Kirixtu wi gihimage vamatibelelo yambeeliwe ni muthu mmohi. 21 Wona mulebeliwiwa Maleba Ootaleleya, yiiraga: <<Athu ayene yahaaddeliwe dha oliye, enoodha yoone, ayene yaheewile dha oliye, enoodha yiwelelemo>>.

Meerelo a Arumiwi 2:36,37 <<Mowindo, aEzarayeli aatene enone ebaribareene wi Yesu, oyene mwamukomeliinyu vamuraddini, Mulugu ohumusakula okala Nabwiya ni Kirixtu>>. Aliwa veewiligiwa nda yahikukumuwaga mmurimani, yahimukohaga Peduru ni arumiwi amohiwa, wiira: <<Ki vano nneere ddi, addibila?>>

AHeberi 4:2 Vowi teto nihilaleyeliwa Muselu Wapama wona vamohi ni aliwa; mbwenye museluya veewiliwa kawaakamihedhe vowi kayatugumane ni ale yeewile eroromela.

Zheremiya 24:7 - Matewuzhi 22:37 Yesu ahimwaakulaga, wiira: << <Omudhivelege Nabwiya Mulugu aawo ni murima waawo waatene, ni egumi yaawo yaatene, ni wiwelelamo waawo waatewene>.

Meerelo a Arumiwi 16:14 Vahikalaga mwihiyana mmohi eethaniwa Lidiya a nluwa na oTiyatira, namaguliha a guwo dhapama dha roxa, amweebeda Mulugu. Nabwiya ahifugula murima waaye wi arumeedhe dhawoga Pawulo.

Matewuzhi 13:14-16 Nda dhahipadduwa wi dhaakwanele dhawogile Mulugu odheela mwa namavuhulela Ezaya, eeriliye: <Odhewe wa nlogo nddo wawaaddele wi: Nyo muneerege ovuruwana, mbwenye kamudha mwiiwelelagamo. Nyo muneerege osugwa, mbwenye kamudha mudidelaga. 15 Vowi mirima dha athu ala dhili dhovaadda; mabaru eewa kineewa, yahaafuga meento eewa wi ehoone ni meento. Yaheere ehiira ndo, meento eewa yeerege woona, obaruni weewa weerege wiiwa yeerege ononelamo moobuwelelo eewa, aliwa yeere owelela wa miyo, miyo geere waayiliha! Owogile di Nabwiya.> 16 Mbwenye ooreelihiwa bi meento eenyu vowi enowoona, wooreelihiwa fu obaruni

weenyu vowi onowiiwa.

Ezaya 6:9,10 - Meerelo a Arumiwi 28:27 Vowi mirima dha athu ala dhili dhovaadda, mabaru eewa kineewa, ehaafuga meento eewa wi echoone ni meento eewa. Yaheere ehiira ndo, meento eewa yeerege wooma, obaruni weewa weerege wiiwa, yeerege ononelamo moobuwelo eewa, aliwa yeere owelela wa miyo, miyo geere waayiliha!> >>

Maruku 4:11,12 Oliye ahawaakulaga, wiira: <<Nyoovo, Mulugu ahuuvahani otapulela dhowiipiteya dha Omwene waaye. Mbwenye wa amohiwa eli ode wa Omwene, dhaatedhene eneewela mmisibeni, vowi, madhu a Mulugu enowoga, yiiraga: <Wooma enowoona, mbwenye kinoona yego; wiiwa enowiiwa, mbwenye kineewevelamo yego, wi ehitthwaruwe, mwa ela Mulugu kanaalevelele>>>.

Zhuwawu 12:39,40 Mowindo aliwa kayaroromele, vowi Ezaya teto ahiwoga, wiira: 40 <<Mulugu ahaathimiha meento eewa wi echoonege; waavaaddiha mirima dheewa wi ehiivelelegemo; ndo kayaandile otthwaruwa, ewelela wa miyo wi gaayilihe>>.

ARoma 11:7,8 Ki niire ddi? AEzarayeli kayafwanyile dhasayeliisu. Mbwenye ayene Mulugu yaasakuliliye yahifwanya. Oohala ayo yahivaaddiha mirima, 8 wona mulebeliwiwa, yiira: <<Mulugu ohaavaha muneba wootaduwa, meento owoona wi echoonege, obaruni wowiiwa wi ehiivege. Dhili ndo ofiyedha peeno>>.

2 ATesalonika a Nabiili 2:10,11 Oliye oneerege wiirana mikalelo dhaatedhene dhabure wi aanyengethege ale enarimeela, vowi ehikoodda odhivela ebaribari yaavulumuse. 11 Mwaha wowi ehikoodda ebaribari, Mulugu onowaarumihedha kopolo dhowaaviriganaha wi erumeedhege dhooratha,

Matewuzhi 13:18-23 <<Mvuruwane, mwiwe yootapulela ya musibe wa namadhala. 19 Athu eneewa muselu wa Omwene, ehiivelelam, eli wona bewu yamorelege seresere ya dila. Nambure ahidhaaga, ovenyihamo yadhaliwe mmurimani mweewa. 20 Bewu dhamorelege vaali mabwe majinji bi athu eneewa mutheenga, eroromela mowaaguva ni ohagalala. 21 Mbwenye enalogela vang'ono mwaha wi kinna misisi. Vano yagumana ni dhookathamiha, oharahariwa mwaha wa mutheenga, aliwa enohiya nroromelo neewa. 22 Bewu yamorelege vamiingani baale eneewa mutheenga, mbwenye dhookathamiha dha elabo ela teto ofuna dhooreela, dhinohoga mutheengaya, vano athu ala kinavaha dhilo. 23 Bewu dhamorelege theya yapama bi athu ale eneewa mutheenga yiivelelam, vano enovaha dhilo dhijinji: Enovaha dhilo moweenjedhedheya zana (100), mmohi onovaha dhilo makumi matanu ni emohi (60), dhimohi dhiwa dhinovaha dhilo makumi maraaru okwaranya nde dhadhaliwe>>.

2 AKorintu a Nabiili 3:15,16 Ofiyedha peeno mudhidhi dhaatedhene yeelengaga maniivuru matanu yaalebile Mozezi guwo eyo elive mmurimani mweewa. 16 Mbwenye mmohi arugunusela murima waaye wa Nabwiya, guwo eyo enovenyihiwato.

Ozeya 11:3-7 - Matewuzhi 11:28-30 <<Dhaani wa miyo, nyo mwaatene oogoma ni oonyemeliwa sapo, vowi miyo ginowuuvahani ovuma. 29 Mwiireye sapo yaaga, musuuze wa miyo, mwaha wi gili ookurumuwa ni owiiyeviha murima; vano munoofwanya ovuma wa mineba dheenyu. 30 Vowi nipiddi naaga kannarusa,

vano sapo yaaga soovevuwa>>.

Meerelo a Arumiwi 26:18 wi waafugule meento eewa wi erugunuwe oyiihini, ekale mowaara, erugunuwe mu othongi wa Sathana, yiipeleke mu othongi wa Mulugu wi yaakele oleveleliwa wa dhoothega dheewa, yaakele mburo vamohi ni athu aatene eli oweelihiwa odheela mwa nroromelo na miyo>.

2 Timoteyo a Nabiili 2:24-26 Vano mwiimeleli a Nabwiya ahikalelege okanganave ni akwaaye. Moohiyaniha, akalege oofwaasa ni aatene, owaanda osuuziha, akalege oovilela. 25 Aasuuzihege ni wiiyeviha ale enamvaanya. Adha ayo Mulugu aavaha otthwaruwa onaamalele ni ononelamo wa ebaribari. 26 Vano athu ayo yeera yambeela wuubuwelela pama, eneere otapuliwa vamusapani wa Ddiyabo, musapa oyene waamagiliyyena wi yiiregena dhoofuna dhaaye.

Ovuhulela 3:17-19 Nyo muneeresa: <<Miyo gili ooreela, ookalana dhijinji, kaginarabulela yego>>. Kamunanona wi nyo muli oohaleeliwa, munotatamula weeddiha thagaraga, oorabula, oohoona ni amadave. 18 Ginowuulagani wi mugule wa miyo oro weelihewe vamunddoni wi mukale ooreela. Mugule teto wa miyo dhoowara dhoweela wi muware, mukunele omadave weenyu wookaliha manyazo. Vano teto mugule wa miyo murombwe wa meento eenyu wi moonege. 19 Aatene ayene ginaadhivelimi ginowaaruniha ni waasumulula. Vano mukale a nthakwithakwi, mutthwaruwe.

2 AKorintu a Nabiili 7:10 Vowi okubanyihiwa Mulugu onafuniiye kunamuthukulela muthu ovoreyiwa murima, mbwenye onamuthukulela otthwaruwa, ndo dhinomuthukulela ovulumusiwa, vano hiyo kannatthwaruwa wa dhedho. Mbwenye okubanya wa athu a elabo ela onathukulela omakwelo.

1 Mammene Owambeela 18:37 - Mulugu turn heart back to Mulugu.

2 AKorintu a Nabiili 4:4 Owoga dha aliwa mulugu a elabo ela ohaakuneela moobu-welelo a ale ehinaroromela wi waara wa Muselu Wapama ohaamoneyele aliwa. Waara wula onooniha nthithimiko na Kirixtu. Ole oli oofwanafwana ni Mulugu.

Luka 8:11-15 <<Musibe ola onatapulela ndha. Bewu bi madhu a Mulugu. 12 Bewu dhamorele moogomela dila, baale eneewa madhu a Mulugu, mbwenye adha Sathana aavenyihamo mmirimani mweewa wi enadhe eroromele, evulumusiwe. 13 Bewu dhamorele vamabweni, baale eneewa madhu yawaakela ni ohagalala, mbwenye kinakanna misisi. Enaroromela mudhidhi vang'ono, voofiya dhooweeha, enoweleta mundduli. 14 Bewu dhamorele vamiingani baale eneewa madhu a Mulugu, yawaakela voovira malabo vang'ono, enohogeya ni oosanyeyela, dhooreela ni dhimohi dhoofuna egumi kinafiyedha ovaha. 15 Bewu dhamorele theya yapama baale eneewa muupamani ni murima wowogoowa yaalogolela madhuya, ofiyedha ovaha furuuta ni ovilela.

Meerelo a Arumiwi 15:11 Mbwenye nnororomela wi nili oovulumusiwa mwa mahala a Nabwiya Yesu Kirixtu, hiyo ni aliwa nihivulumusiwa ni mukalelo mmohive>>.

ARoma 8:13 Vowi akala munahara mukalelo oyene wa omuthu, munoodha mukwe; mbwenye akala ni nikamihedho na Muneba Woweela munoopa meerelo eenyu ootakala, munoodha mukalena egumi.

Pastor T. John Franklin

Church of Salvation, Healing, and Deliverance - COS-HAD.org